

ՀԱՐԱԻ ԱՅՐԻՆ

Այնտեղ, ուր Վանայ, Գեղամայ ծովեր
Հալիս են երկնի սել ամպերի հետ,
Այնտեղ, ուր Եփրատ, Արաքս մայր գետեր
Երգում են տխուր, սրտառուչ ողբերգ,

Այնտե՛ղ է ապրում վաղուց շարատանջ՝
Մի խեղճ, քայց հզօր, դժբախտ այրի կին—
Իր նախկին փառքը կորցրած, քաղմատանջ
Երկիրն է գրկել Հարաւի այրին...

Մեռած իր փեսան, նրա աչերից
Քաժում է արեան, լացի առուններ.
Այն հարաւային թազը իր գլխից
Խլեցին, տարան սէգ վայրենիներ...

Բայց նա պինդ գրկած երկրի, մոխիրներ—
Այն մոխրի տակից հանում է կայծեր...
«Օ, կայծեր, ձեզնից սիրտս է վառում՝
«Ես պիտի ապրեմ... ծայնում է կարմրում...

Բայց ահա գլուխ ծոց երգեմն էլ
Նա լաց է լինում, թէ ինչպէս ընկաւ.
Ինչպէս դրախտի ծովեր ու գետեր
Արնով ներկուեցին,—խոր վիշտը եկաւ...

Տանջուած, հիասթափ մրմունջն է հնչում...
Ինչպէս անցորդներ նուրբ անպատուեցին.
Ինչպէս զոհ եղած իր երկրի սիրուն,
Պատիւը ծախեց, կպաւ իր երկրին...

Շատ հին է այրին. քայց երբ կանգնում է՝
Աչքերը վառուած երկնքի ըոցով,
Կարծես դեռ կոյս է, որ պէտք է ապրէ
Մի գալոց կեանքի նորոգ արեւով...